

植

物

名

實

圖

攷

375.9
435
=12

354

7

12 (1-60)

植物名實圖考卷之十二

固始吳其濬著

蒙自陸應穀校刊

陽草類

翻白草

雁來紅

金盞草

莠

地錦苗

蔓蒿

白蒿

紫香蒿

莖莖菜

犁頭草

三圖

毛白菜 二圖

小蟲兒卧單

地耳草

野艾蒿 二圖

野同蒿 二圖

大蓬蒿

牛尾蒿 二圖

柳葉蒿

扯根菜

矮桃

龍芽草

滿天星

水蓼衣

地角兒苗

雞眼草

狗蹄兒

米布袋

雞兒頭苗

雞兒腸

鹹蓬

牻牛兒苗

沙蓬

沙消

水棘針

鐵掃帚

刀尖兒苗

山蓼

六月菊

佛指甲

鯽魚鱗

婆婆納

野粉團兒

狗掉尾苗

猪尾把苗

螺麝兒

兔兒酸

米蒿

鐵桿蒿

花蒿

兔兒尾苗

虎尾草

兔兒傘

柳葉菜

菰蔴根

綿囊兒

土團兒

大蓼

金瓜兒

牛耳朵

拖白練

胡蒼耳

野蜀葵

透骨草

酸桶笋

地參

野西瓜苗

婆婆指甲菜



翻白草

翻白草救荒本草錄入云卽雞腿兒根白可食本草綱目救入
菜部考此草僅可充飢不在烹醃宜入隰草



雁來紅

救荒本草後庭花一名雁來紅人家園圃多種之葉似人莧葉其葉中心紅色又有黃色相間亦有通身紅色者亦有紫色者莖葉間結實比莧實差大其葉衆葉攢聚狀如花朵其色嬌紅可愛故以名之味甜微澀性涼採苗葉燂熟水浸淘淨油鹽調食曬乾燥食尤佳



金盞草

救荒本草金盞兒花人家園圃中多種苗高四五寸葉似初生
萵苣葉比萵苣葉狹窄而厚拈莖生葉莖端開金黃色盞子樣
花其葉味酸採苗葉燂熟水浸去酸味淘淨油鹽調食 按宋
圖經杏葉草一名金盞草生常州蔓延籬下葉葉相對秋後有
子如雞頭實其中變生一小蟲脫而能行中夏採花李時珍以
爲卽金盞花夏月結實在萼內宛如尺蠖蟲數枚蟠屈之狀故
蘇氏言其化蟲實非蟲云但此草之實不似雞頭其葉如萵苣
不應有杏葉之名未敢併入



莠

莠俗呼狗尾草救荒本草收之今北地饑年亦碾其實作飯充腹亦呼曰莠草子其莖可去贅瘤具本草綱目按說文繫傳莠草也臣鍇按字書云狗尾草也又莠禾粟下揚生莠臣鍇曰粟下揚謂禾粟實下播揚而生出於粟秕以莠爲狗尾草不審出何字書其說莠乃與稂皇同類則非似苗之草矣



地錦苗

地錦苗江西園圃平野多有春初發生莖葉似胡荽而葉末稍圓梢杈開紫花如小魚形參差偃仰跗當花中尾尖首碩有兩小瓣開合如脣花罷結角入夏漸枯按救荒本草地錦苗生田野中小科苗高五七寸莖葉似園荳葉間開紫花結小角豆兒苗葉味苦燥熟浸淨油鹽調食卽此滇南謂之金鈎如意草一名五味草滇本草味有五故名五味性微寒祛風明目退翳消散一切風熱肺勞咳嗽發熱肝勞發熱怕冷走筋絡治筋骨疼痛痰火等症昔太華山趙道人服此藥輕身延年聰耳明目云

